



## **Aningaasaqarnermut Naalakkersuisoq**

### **Aningaasaqarnermut Ataatsimiititaliap suliaq nr. 01.31.06/10-00461 pillugu pingasunngornermi ulloq 10. marts 2010-mi aalajangiineranik Naalakkersuisunut ilisimatitsineq.**

#### **Kalaallit Røde Korsia Haiti pillugu nuna tamakkerlugu aningaasanik katersuiniarneranut Namminersorlutik Oqartussat ilassutaat**

##### **Naalakkersuisut inassutigaat,**

- Haiti pillugu Kalaallit Røde Korsia Haiti nuna tamakkerlugu aningaasanik katersuiniarneranut Namminersorlutik Oqartussat 500.000 kr.-inik ilassuteqarnissaat Aningaasaqarnermut Ataatsimiititaliap akuersissutigissagaa.
- tapiissutitut konto 10.06.21, Haitimi nunap sajunnerani eqqugaasunut tapiissutitut tungasoq, 500.000 kr.-inik aningaasartalerlugu pilersinneqassasoq.
- kontomi pingaarnermi 20.11.50-imi, Ingerlatsinermut sillimmatitut tungasumi, aningaasaliissut 500.000 kr.-inik ikilineqassasut.

##### **Aningaasaqarnermut Ataatsimiititaliap oqaaseqaatai**

Kalaallit Røde Korsia Haitimi nunap sajunnerani eqqugaasut pillugit nuna tamakkerlugu aningaasanik katersuiniarneranut ½ mio. kr.-inik tapiissuteqarnissamut Aningaasaqarnermut Ataatsimiititaliamit akuerineqarnissaq Naalakkersuisut suliami matumani qinnutigaat.

Nunarput siusinnerusukkut taama tapiissuteqareerpoq, ilaatigut Parkistani nuna sajunneranik eqqugaasunut aammalu 2004/2005 ukiup nikinnerani Asiami kangillermi ulersuarnerup kingorna.

Ataatsimut isigalugu pinngortitap assigisaannillu pisoqarnera kinguneranik eqqugaasunut tapiissuteqartarneq Aningaasaqarnermut Ataatsimiititaliamit tapersersornartinneqarpoq.

Ataatsimiititaliarli aamma isumaqarpoq Naalakkersuisut politikissamik imaluunniit maleruagassanik suliaqartariaqartut, tassani nassuiarneqassalluni qanoq pisoqartillugu ajornartorsiorlutik Namminersornerullutik Oqartussanit ikiorserneqarnissaat naleqquttuunersoq. Taamaalillunilu maleruagassat politikkilluunniit taamaattut pigineqanngippata Namminersorlutik Oqartussat tapiissutaasa pisariaqartitsinerpaanut siunertanulluunniit tapersersornarnerpaanut anngutinngitsoorsinnaanissaat takorloorneqarsinnaavoq. Taamaattumillu Naalakkersuisut taamaattunik maleruagassiornissaat aammalu taakku ikiorsiissuteqarnissaq pillugu aningaasaliissuteqarnissamik siunissami qinnuteqarnermi atornerqartarnissaat Aningaasaqarnermut Ataatsimiititaliamit **kaammattuutigineqarpoq.**

**Aningaasaqarnermut Ataatsimiititaliap aalajangiinera**

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuerineqarput**.

Aningaasaqarnermut Ataatsimiititaliaq sinnerlugu

Naaja Nathanielsen

Aningaasaqarnermut Ataatsimiititaliap siulittaasua